

四庫全書

集部

欽定四庫全書

文苑英華卷三百十八

宋 李昉等 編

居處八

別業五十七首

村墅十一首

別業

南溪別業

蔣冽

結宇依青嶂開軒對綠疇樹交花兩色溪合水重流竹  
徑風來掃蘭樽夜不收逍遙自得意鼓腹醉中遊

題袁氏別業

賀知章

主人不相識，偶坐為林泉。  
莫謾愁沽酒，囊中自有錢。

酬虞部蘇員外過藍田別業不見留之作

王維

貧居依谷口，喬木帶荒村。  
石路枉迴駕，山家誰候門。  
漁舟膠凍浦，獵火燒集作寒原。  
惟有白雲外，踈鍾聞夜猿。

終南山別業

見二百五十卷

輞川別業

前人

不到東山向一年歸來繞及種春田雨中草色綠堪染

水上桃花紅欲然優婁比丘

見法華經  
序品中

經論學偃婁丈

人鄉里賢披衣倒屣且相見相歡語笑衡門前

晦日遊大理韋卿城南別業

四聲次用  
各六韻

前人

與世澹無事自然江海人側聞塵外遊解弁

集作  
馳 軓祝  
夷

切 朱輪極

集作  
平

野照暄景上天垂春雲張組竟北阜泛

舟過東隣故鄉信高會牢醴及家臣

集作  
佳辰

幸同擊壤樂

心荷竟為君

二

郊居杜陵下永日同攜手仁

集作人

里靄川陽平原見峯

首園廬鳴春鳥林薄媚新柳上卿始登席故老前為壽

臨當送

集作遊

南陂約畧執盃酒歸轍繼

集作轍繼

微官惆悵

心自咎

三

冬日餘雪在墟上春流駛風日暢懷抱山川多秀

集作好天

氣凋胡先晨炊庖鱸亦後至高情浪海嶽浮生寄天地  
君子外簪纓埃塵良不啻所樂衡門中陶然忘其貴

四

高館臨澄波曠然蕩心目澹淡動雲天玲瓏暎墟曲鵲  
巢結空林雉鷓響幽谷應接無門暇徘徊似以集作躑躅  
紆組上春堤側弁倚喬木弦望忽已晦後期洲應綠

冬至後過吳張二子檀溪別業

孟浩然

卜築因自然檀溪不更

一作更不

穿園廬二友接水竹數家

連直取南山對非闕選地偏草堂時偃曝欄棹

集作棹

日

周旋外事情都遣中流性所便閒垂太公釣興發子猷

船予亦幽棲者經過竊慕馬梅花

初集作不殘

臘月柳色半

春天烏泊隨陽鴈魚藏縮項鱸停盃問山簡可以習池

邊

汝墳別業

祖詠

失路農為業移家到汝墳獨愁常廢

集作當廢

卷多病久離

羣鳥雀垂窓柳虹霓出澗雲山中無外事樵唱有誰作

時聞

蘇氏別業

前人

別業居幽處到來生隱心南山當戶牖澧水在園林竹  
覆經冬雪庭昏未夕陰寥寥人境外閒坐聽春禽

出青門往南山下別業

薛據

舊居在南山夙駕自城闕榛莽相蔽虧去爾漸超忽散  
漫餘雪晴蒼茫季冬月寒風吹長林白日原上沒懷抱



曠莫申相知阻胡越弱年多栖隱煉藥在崑崙及此離  
垢氣興來亦因物末路期赤松斯言決不伐

潯陽陶氏別業

劉昫虛

陶家集仙隱種柳長江邊朝夕潯陽縣白衣來幾年霽  
雲明孤嶺秋水澄寒天物象自清曠野情何綿聯蕭蕭  
丘中賞明宰非徒然願守黍稷稅歸耕東山田

過任

集作江

氏別業

李白

遊山誰所

集作可

遊子明與浮丘疊嶺礙河漢連峯橫斗

牛任生

集作汪生

面北阜池館涵清

集作清且

幽我來感意氣槌

庖

集作魚

列珍羞掃石歸明月

集作待歸月又作待月歸

開池漲寒流

酒酣益爽氣為樂不知秋

越州賊退後送朱放之山陰別業

一作送朱人歸山陰

劉長卿

越中初罷戰江上送歸橈南渡無來客西陵自落潮空

城垂細

一作故

柳舊業

一作井

廢春苗閭里稀相見

集作相逢少一

作誰相問 鷺花共寂寥

此詩二百三十一卷重出前已削去注異同為

一作

調歸東川別業

李頎

寸祿可言

一作善

取託身將見遺慙無匹夫志悔與名山

辭紱冕謝知己林園多後時葛巾方濯足蔬食且垂帷

十室對河岸漁樵祗在茲青郊香杜若泉石暎茅茨晝

景徹雲榭夕陰澄石遠溪花獨開晚田鶴靜飛遲且復

樂生事前賢為我師清歌聊鼓楫永日望佳期

題綦母校書別業

前人

常稱掛冠吏昨日歸滄洲  
行客暮帆遠主人庭樹秋  
豈伊問天命但欲為山遊  
萬物我何有白雲空自幽  
蕭條

江海上市夕見丹丘生事本魚鳥  
賞心隨去留惜

一作昔

我曠微月欲濟捨輕舟  
倏忽今

一作今

人老相思河水流

同家兄題渭南王公別業

蔡希寂

好閒知在家退跡

一作迹

何必深不出人境外  
蕭條江海

心軒車自來往空石對清陰  
川渙將釣玉鄉亭期散金

素暉射流漱翠色綿森林曾為詩書癖寧惟耕稼任吾  
只許微尚枉道勃疑相尋朝慶老萊服夕閒安道琴文  
章遙頌美寤寐曾所欽既鬱蒼生望明時豈陸沉

淇上別業

高適

依依西山下別業桑林邊庭鴨喜多雨隣鷄知暮天野

人種秋菓

集作  
菓

古老看

一作  
開

原田且向世情遠吾今聊

自然

巴南舟中陸渾別業

岑參

瀘水南

一作州

舟遠已山北客稀嶺雲撩亂起溪鷺等閒

飛鏡裏愁衰鬢舟中換旅衣夢魂知遠處無夜不先歸

送胡象下

集作落

第歸王屋別業

前人

看君尚少年下第莫悽然可即

疑

疲獻賦山村歸種田

野花迎短褐河柳拂長鞭置酒聊相送青門一醉眠

送鄭甚歸東京泥水別業

得闌字

前人

客舍見青

一作春

草忽聞思舊山看君灞陵去足馬成臯

還對酒風與雪向家何復閑因悲宦遊子終歲無時閒

送劉長上歸城南別業

韓翃

數刻是歸程花間落照明春衣香不散駿馬汗猶輕南  
渡春流淺西風片雨晴朝還會相就飯爾五侯鯖

贈張五諲歸濠州別業

常知罷官意果與世人疎復此涼風起仍聞濠上居故  
山期採菊秋水憶觀魚一去蓬蒿逕羨君閒有餘

送元詵還丹陽別業

郎士元

已知成傲吏復見解朝衣  
應向丹陽郭秋山獨掩扉  
草堂連古寺江日動晴暉  
一別滄洲遠蘭橈幾歲歸

送王公還剡中別業

皇甫冉

不見關山去何時到剡中  
已聞成樹木更道長兒童  
籬落雲常聚村塘水自通  
朝朝隱去渡非晚對清風

潘司馬別業

周瑀

門對青山近汀牽綠草長  
寒深抱晚橘風緊落垂楊  
湖



卷三十八  
畔聞漁唱天邊數鴈行  
蕭然有高士清思滿書堂

秋晚山中別業

盧綸

樹老野泉清幽人好獨行  
去閒知路靜歸晚喜山明  
蘭艾通荒井牛羊出古城  
茂陵秋最晚誰念一書生

早春遊樊川墅

前人

白水構通

一作通溝

塍青山對杜陵  
清明人望鶴曠野鹿隨

僧古柳連巢折荒堤帶草崩  
陰橋全覆雪深溜半垂冰  
鬪鼠搖松影遊龜落石層  
韶光偏不待衰敗巧相仍  
桂

樹曾爭折龍門幾共登琴師阮校尉詩和柳吳興紙筆  
求書扇張屏看畫蠅卜隣空遂約問卦獨無徵投足經  
危石收材過直繩守農窮自固行藥病何能掩帙蓬蒿  
晚臨川景氣澄颯然成一叟誰更慕騫騰

深溜

集作  
暴溜

過直繩

過詩選  
作過

春日題杜叟山下別業

前人

百鳥羣飛山半晴渚亭相接有泉聲園中曉露青藜合  
橋上春風綠野明雲影斷來峯影出林花落盡草花生

今朝醉舞同君樂，始信幽人不愛榮。

春遊司直城西鷓鴣谿別業 釋清江

別墅軍城下，閒諠未可齊。  
春深花蝶夢，曉隔柳煙鞞。  
韶景浮寒水，疎楊暎綠堤。  
沿洄看竹色，來往聽鶯啼。  
久慢持生術，多親種藥畦。  
家貧知素行，心苦見清溪。  
越客初投分，南枝得寄棲。  
禪機空寂寞，雅趣賴招携。  
本寺重江外，遊方二室西。  
徘徊戀知己，日夕草萋萋。

題黃公陶韓別業

釋處一

聞說花園堪避秦，幽尋數月不逢人。  
煙霞洞裏無鷄犬，風雨林間有鬼神。  
黃公石上三芝秀，陶令門前五柳春。  
醉卧白雲閒作夢，不知物是吾身。

張舍人南溪別業

釋法震

新田遶屋半春耕，藜杖閑門引客行。  
山翠自成微雨色，溪花不隱亂泉聲。  
漁家遣到堪留興，公府懸知欲厭名。  
入夜更衣明月滿，雙童喚出解吹笙。

北原別業

釋僧泚

野外車騎絕古村桑柘陰流鶯出谷靜春草閉門深學稼農為業忘情道作心因知上皇日鑿井在雲林

冬日尋徐氏別業

釋皎然

近依城北住幽徑少人知積雪行深巷寒山遠故籬竹  
花春自發橙實晚仍垂還共品前鶴今朝下習池

送皇甫侍御曾還丹陽別業 前人

雲陽別夜憶春耕花發陵湖問去程積水悠揚何處夢  
亂山稠疊此時情將離有月教絃斷贈遠無蘭覺意輕

朝右要君持漢典  
明年北野可須營

題周

一作陳

諫別業

第寺與周生所  
居俱臨苦水

前人

隱身苔上欲何如  
不着青袍愛綠羅  
柳巷任疎容馬入  
水籬從破許船過  
昂藏獨鶴閒心遠  
寂歷秋花野意多  
若訪禪齋遙可見  
竹窻書幌共煙波

雨後輞川

李端

驟雨歸山盡  
頽陽入輞川  
看虹登晚墅  
踏石過春泉  
紫

葛藏仙井黃花出野田有知無去路迴步就人煙

送石協歸吳興別墅

一作業

朱慶餘

識來無定居此去復何如一與耕者近日將朝客疎資  
身空藥石教子但琴書曾讀黃庭本斯言豈復虛

遊崔監丞城南別業

劉得仁

門與青山近青山復幾重雪融皇子岸春潤翠微峯地  
有經冬草林無未老松竹寒溪隔寺晴日直聞鍾

夏日樊川別業即事

無事稱無才柴門亦罕開  
脫巾吟永日着屐步荒臺  
風卷微塵上霆將暴雨來  
終南雲漸合咫尺失崔嵬

韓評事別業

周賀

門枕平湖秋景好水煙松色遠  
相依罷官餘俸租田種  
送客迴船載石歸離岸遊魚逢浪返  
望巢高鳥一作寒鳥逆風飛  
嵩陽舊隱多時別閉目閒吟憶翠微

李侍御上虞別業

方干

滿目高集作亭臺佳作繁蟬吟燕語不為喧  
晝潮勢急吞



諸島暑雨聲迴露半村直為援毫方掩卷常因按曲便  
開罇若將明月為儔侶應把清風遺子孫繡羽驚弓籬菓  
上紅鱗見餌出蒲根尋君未要先敲竹且棹漁舟入大  
門

初歸鏡水

集作  
中

別業寄上陳端公

前人

去歲離家今歲歸孤帆夢向鳥前飛必知蘆筍侵沙井  
兼被藤花占石磯雲塢一作島採茶常失路雪龕中酒不

開扉故交若問道遙事玄冕何曾勝葦衣

許員外新陽別業

前人

蘭沙橘島暎高

一作亭

臺不是經心即手栽滿閣白雲隨

雨去一池明

集作寒

月逐潮來小松出屋和巢長新逕通

村避笋開柳絮風前歌枕卧荷花香裏棹舟

集作釣魚

迴園

中問

一作認

葉封林草簷下攀枝落野梅莫恣高情求逸

思須防急詔用長材苦

一作若

因螢火終殘卷頁把魚竿

集作便

送幾盃多謝郢中賢太守當

集作常

時談笑許追

集作陪  
赴

東溪別業寄吉州段郎中

前人

前山含遠翠

一作翠晚

羅列在窓中盡日

一作晝夜

無人到一樽

誰與同涼隨蓮葉雨暑避柳條風豈分長孤寂明時有  
至公

此詩二百六十二卷重出前已削去注異同為一  
作

題李剪處士杜城別業

見二百三十一卷

溫庭筠

晚夏歸別業

張祐

古岸扁舟晚荒園一徑微  
烏啼新菓熟花落故人稀  
宿潤侵苔甃斜陽照竹扉  
相逢盡鄉老無復話時機

題杜侍御別業

趙嘏

紫陌煙多不可尋  
南溪酒熟一披襟  
山當畫枕石床穩  
泉落夜窓煙樹深  
白首逢人羞問計  
青雲何路覓知音

惟君懷抱閒

一作長

於水他日門墻許醉吟

題鹽鐵李尚書澶州別業

薛能

鹿原陰雨澶州滑生覺林泉逼夢思  
閒景院開花落後濕香風好雨來時  
隣鷺麥野聞離雉別創茅亭住老師  
備足好中還有關許昌軍裏李陵詩

秋晚自洞庭湖別業寄穆秀才

皮日休

破村寒落過重陽  
獨自撷寧葺草房  
風捲紅蕉仍換葉  
雨霖黃菊不成香  
野猿偷栗重窺戶  
落鴈疑人更繞塘

他日若脩耆舊傳為予添取此書堂

題鄭侍御藍田別業

張喬

秋山清若水吟客靜於僧  
小徑通商嶺高窓見杜陵  
雲霞朝入鏡猿鳥夜窺燈  
許作峯前侶終來寄上層

郊墅二首

鄭谷

韋曲樊川雨半晴竹莊花院  
過題名畫成煙景垂楊色  
滴破春愁壓酒聲滿野紅  
塵誰得路連天紫閣獨闌  
情漢陂水色澄於鏡何必  
滄浪始濯纓

二

菱水菊籬邊新晴有亂蟬秋光

集作先秋

終寂寞晚醉自流

集作留

連野濕林

集作木

中露村閒社後天題詩滿紅葉何

必浣花牋

訪姨兄王斌渭上

集作口

別墅

前人

桑柘河

集作柘桑江

上村半

集作家

落舊田園小小嘗來此悲

涼不可言訪隣多指塚問路半移原久歎家童散初晴

野薺繁客帆懸極浦漁網晒危軒苦澁詩盈篋荒唐酒

滿樽高枝霜果在幽沼

集作清

暝鴻

集作禽

喧遠靄籠樵響

微煙起燒痕  
哀榮孤族分  
感激外  
兄恩三宿忘  
歸去圭

峯恰對門

訪題表兄王藻渭上別墅

集作業

前人

桑樹搖落渭川西  
蓼水瀾瀾接稻泥  
幽檻靜來漁唱遠  
暝天寒極鴈行低  
濯醪最稱看山醉  
吟句偏宜選行題  
中表人稀惟一作離  
亂後花時莫惜重相携



春日還郊

王勃

推情蕪默默

一作語

携杖赴嵩泉草綠繁新帶榆青綴古

錢魚牀侵岸水鳥路入山煙還題平子賦花樹滿春田

仲春郊外

前人

東園垂柳徑西堰落花津物色連三月風光絕集作四

隣鳥飛村覺曙魚戲水知春初晴山院裏何處染鶯塵

春郊興後

前人

空園歌獨酌春日賦閒居澤蘭侵小徑河柳覆長渠雨

去花光濕風歸葉影踈山人不惜醉惟畏綠樽虛

西郊

杜甫

時出碧鷄坊西郊向草堂市橋官柳細江路野梅香傍

架齊書帙看題減

某作檢

藥囊無人覺

一作就

來往踈懶意

何長

南隣

前人

錦里先生烏角巾園收芋粟不全貧慣看賓客

某作戶門亦作

朋友兒童喜得食堦除烏雀馴秋水纔深四五尺野航恰

受雨三人白沙翠竹江村暮

集作路

相送

集作對

柴門月色

新

村夜

前人

風色蕭蕭暮江頭人不行村舂雨外急隣火夜深明胡  
羯何多難樵漁寄此生中原有兄弟萬里正含情

江村

前人

清江一曲抱村流長夏江村事事幽自去自來堂上燕  
相親相近水中鷗老妻畫紙為碁局稚子敲針作釣鉤

但有故人供綠水

集作多病所須惟藥物

微軀此外更何求

荒村三首

前人

崢嶸赤雲西日脚下平地柴門烏雀噪客子

集作歸客

千里

至妻孥怪我在驚定還拭淚世亂遭漂蕩生歸

一作還

偶

然遂隣人滿墻頭感歎亦歔歔夜闌更秉燭相對如夢

寐

二

晚歲迫偷生還家少歡趣嬌兒不離膝畏我復却去憶

惜多

集作好

追涼故繞池邊樹蕭蕭北風勁撫事煎百慮

賴知黍稌

集作黍禾

收已覺糟牀注如今足斟酌且用慰遲

暮

三

羣鷄忽

一作正

亂叫客至鷄正生

一作闕爭

驅鷄上樹木始聞

叩柴荆父老四五人問我久遠行手中各有携傾榼濁

復清莫

一作苦

辭酒味薄黍地無人耕  
兵革既未息兒郎

童

一作

盡東征請為父老歌艱難愧深

一作餘

情歌罷仰天

歎四坐淚縱橫



文苑英華卷三百十八

欽定四庫全書

集部

文苑英華卷三百二十九

詳校官太僕寺少卿李廷欽

助教臣常循覆勘

總校官進士臣朱 鈐

校對官中書臣王鍾泰

謄錄監生臣崔鶴立



欽定四庫全書

文苑英華卷三百十九

宋 李昉等 編

居處九

村墅二十首

山莊二十四首

田家二十首

村墅

題王村山叟屋壁

錢起

谷口好泉石居人能陸沉牛羊上山小

集作去煙雨集作火

隔林

集作雲

深一逕入溪色數家連竹陰藏虹辭晚雨驚

隼落殘禽涉趣皆傷

集作留

目將歸羨在林却思黃紱事

辜負紫芝心

石門暮春

集作藍  
四春暮

前人

自哂鄙夫多野性閒

集作貧

居數畝半臨湍

一作村端

溪雲雜

雨來茅屋山雀

集作鳥

將鷓到藥欄仙籙滿床閒不厭陰

符在篋老羞看更憐童子宜春服花裏尋師指杏壇

秋日冬郊作

皇甫冉

閒看秋水心無事，卧對寒林手自栽。  
盧岳高僧留偈別，茅山道士寄書來。  
燕知社日辭巢去，菊為重陽冒雨開。  
淺薄將何稱獻納，臨歧終日自遲回。

晚到藍屋耆老家

盧綸

老翁曾舊識，相引到柴門。  
苦話別時事，因尋溪上村。  
數年何處客，近日幾家存。  
冒雨看禾黍，逢人憶子孫。  
亂藤穿井口，流水到籬根。  
惆悵不堪住，空山月又昏。

朱陳村

白居易

徐州古豐縣有村曰一作名朱陳去縣百餘里桑麻青氈

氈機梭聲軋軋牛驢走紛紛一作紆女汲澗中水男採山

上新縣遠官事少山深人俗淳有財不行商有丁不入

軍家家守田一作集作村業頭白不出門生為陳村民死為陳

村塵田中老與幼相見何欣欣一村惟兩姓世世為婚

姻其村惟朱氏陳氏二姓而已親踈居有族少長遊有羣黃鷄與白

酒歡會不隔旬生者不遠別嫁娶先近隣死者不遠葬

墳墓多遠村既安生與死不苦形與神所以多壽考往

往見玄孫我生禮義鄉少小孤與貧徒學辨集作辨是非

祇自取辛勤世法貴名教士人重冠婚以此自桎梏信

為大謬一作天限人十歲解讀書十五能屬文二十舉秀才

三十為諫臣下有妻子累上有君親思承家與事國望

此不肖身憶昨旅遊初迨今十五春孤舟三適楚羸馬

四經秦晝行有饑色夜寢無安魂東西不暫住來往若

浮雲一作飄作風中雲離亂失故鄉骨肉多散分江南與江北

各有平生親存者終日別逝者隔年間朝憂卧至暮夕

哭坐達

一作  
達

晨悲火燒心曲愁霜侵鬢

一作  
髮

根一生苦

如此常羨陳村人

山村

姚合

喜得山村住閒眠  
不驚曉泉和雨落  
秋草上堦生因  
客始沽酒借書方到城  
新詩聊自遣豈是趨聲名

村中閒步

劉得仁

閒共野人臨野水  
新秋高樹掛晴暉  
不知塵裏無窮事  
白鳥雙飛入翠微

再經三叟居

周賀

停梳因舊識，白髮問波濤。  
以我往來倦，知君耕稼勞。  
渚田臨舍盡，坂路出簷高。  
愛此還南去，終期會爾曹。

題村舍

杜牧

數樹稚桑春未剝，扶牀乳一作兒。  
女午啼鷄，潛銷暗鑠歸。

何處萬戶集作指，侯家自不知。

村行

前人

春半南陽西，桑過村塢娉娉。  
一作裊垂楊風，點點過塘。

雨蓑唱牧牛兒籬窺舊裙女半濕解征衣主人饋鷄黍  
題春日韋曲席野老村舍二首

許渾

背嶺枕南塘數家村落長鶯啼中

一作如

婦嬾蠶出小姑

忙煙草近溝濕風花臨路香自憐非楚客春望亦心傷

二

遠屋遍桑麻村南第一家林繁樹勢直溪轉水紋斜竹  
援晝看筍藥欄春賣花故園歸未得到此是天涯



馮叟居

劉駕

天作馮叟居山僧尚嫌僻開門因雨樹結宇倚翠壁溪  
南有微徑時遇採芝客往往白雲生對面千里隔機忘  
若童僕常與猿鳥劇曬藥上小峯庭深無日色自從忘  
歸鄉一作歸鄉里不見舊親戚纍纍子孫墓秋風吹古栢

宿江叟島居

張喬

一家煙島隈

一作上

竹裏夜窓開數派分湖

一作湖

去千檣

聚月來石樓雲斷續澗渚鴈徘徊了得平生志還歸築

釣臺

潯陽村舍

前人

荒林寄遠居坐卧見樵漁  
夜火隨船遠寒更出郡踈  
雪迷登岳路風阻轉江書  
寂寞高窓下思鄉歲欲除

江村

前人

貧遊無定蹤鄉信轉難逢  
寒渚暮煙濶去帆歸思重  
湖平低戍火木落遠山鍾  
况是漁家宿踈籬響夜舂

書村叟壁

鄭谷

草肥朝牧牛桑綠晚鳴鳩列岫簷前見清泉石下流春  
蔬和雨割社酒向花筭引我南臨水

一作  
被去

籬邊有小舟

旅寓洛南村舍

前人

村落清明近鞦韆稚女誇春陰妨柳絮月黑見梨花白  
鳥窺漁網青帘認酒家幽棲雖自適交友在京華

宿島徑夷山舍

陳陶

百里遵島徑逢征信遠迴暝依漁樵宿似過

一作  
遇

黃金

臺缺齧心未理寥寥夜猿哀山深石牀冷海近腥氣來

主人意不淺，屢獻流霞盃。  
對月撫長劍，愁襟紛莫開。  
九衢平如水，胡為涉崔嵬。  
一飯未遑飽，鵬圖信悠哉。  
山濤謔細君，吾豈厭蓬萊。  
明登又驅馬，客思一徘徊。

東

一作陳

韋曲野思

唐彥謙

澹霧輕陰匝，四垂綠塘秋。  
望獨顰蒼野，蓮隨水無人見。  
寒鷺窺魚共影知，九陌要津勞目擊。  
五湖閒夢誘一作有  
心期孤燈夜，夜愁敲枕一覺一作覽。  
滄洲似昔時。

山莊

和從弟祐山家二首

王褒

採藥名山頂時節無春冬散雲非一色連崑異衆峯合  
沓似無徑間闕定有蹤山窓臨絕頂檐溜俯危松空林  
鳴暮雨虛谷應朝鍾仙童時可過羽客屢相逢若值韓  
衆樂當御長房龍

二

結交非俗士山侶自招携少華隱日月太乙尋虹一作雲  
霓衆林積為籟園林茂成裊一作拱幽谷曙無景荒途

畫欲迷滴漑寒泉溜呌嘯秋猿啼白雲帝鄉起神禽丹  
穴栖箭篠時通徑桃李復成蹊今身得其所羣物可令  
齊

田一作山家三首

王績

阮籍生平一作涯嬾嵇康意氣踈相逢一飽醉獨坐數行

書小池聊養鶴閒田且牧猪草生元亮逕花暗子雲居

倚杖一作牀看婦織登隴課兒鋤迴頭尋仙一作音代事併是

一空虛

二

家住箕山下門枕潁川濱不知今有漢惟言昔避秦琴  
伴前庭月酒勸後園春自得中林士何忝上皇人

三

平生惟酒樂作性不能無朝朝訪鄉里夜夜遣人酤家  
貧留客久不暇道精麤抽簾持益炬拔篲自燃爐恒聞  
飲不足何見有殘壺

和石侍郎山莊

楊炯

煙霞排俗累，嵒壑只幽居。  
水浸何曾畎，荒郊不復鋤。  
影濃山樹密，香淺澤花踈。  
潤塹防斜徑，平堤夾小渠。  
蓮房若箇實，竹節幾竿一作重。  
虛蕭然，隔城市，酌醴焚枯魚。

春晚山莊率題二首

盧照隣

田家無四隣，獨坐一園春。  
鶯啼非選樹，魚戲不驚綸。  
山水彈琴盡，風花酌酒貧。  
年華已可樂，高興復留人。

二

顧步三春晚，田園四望通。  
遊絲橫惹樹，一作胃樹戲蝶亂依



藜竹嬾偏宜水花狂不待風惟餘詩酒意當了一生中

和夏日幽莊

前人

聞有高蹤客耿介坐幽莊林壑人事少風煙鳥路長瀑  
水含秋氣垂藤引夏涼苗深全覆隴荷上半侵塘釣渚  
青鳧沒村田白鷺翔知君振竒藻還嗣海隅方

山莊休沐

一作和夏  
日山莊

前人

蘭署乘閒日蓬扉狎道栖龍柯踈玉井鳳葉下金堤川  
光搖水箭山氣上雲梯亭幽聞唳鶴窓曉聽鳴鷄玉軫

臨風奏瓊漿  
暝月携田家  
自有樂誰肯  
謝清溪

初至陸渾山莊

宋之問

授衣感窮節  
策馬陵伊關  
歸齊逸人趣  
日覺秋琴閒  
寒露衰北阜  
夕陽破東山  
浩歌步榛越  
栖鳥隨我還

陸渾山莊

前人

歸來物外情  
負杖闕崑耕  
源水看花入  
幽林採藥行  
野人相問姓  
山鳥自稱名  
去去獨吾樂  
無能一作然愧此生

藍田山莊

前人

宦遊非吏隱心事好幽偏  
考室先依地為農且用天  
輞川朝伐木藍水暮澆田  
獨與秦山老相歡春酒前

別之望後獨宿藍田山莊 前人

鵲鴿有舊原

一曲一作

調苦不成歌自嘆兄弟少常嗟別離

多爾尋北京路余卧南山阿  
泉晚更幽咽雲秋尚差  
幾藥欄聽蟬噪書幌見禽過  
愁至願甘寢其如鄉夢何

僕自湯還都經龍門北溪莊宿張左丞崔禮部

崔光祿並枉垂光顧數公宿敦道義雅尚林壑

謂急於幽尋故此命駕遂不知別有勝賞偶然  
相過寒暄未周神意已往雲霞之致蔑而不存  
逸轡放驅清塵徒企歎不已而贈是詩

韋嗣立

附見張說集

栖閒有愚谷好事枉朝軒樹接前驅擁品傳後騎喧  
寨簾出野院植杖候柴門既拂林下席仍携池上樽  
深期契幽賞實謂展歡言末眷誠未易佳遊時更敦  
俄看嘯儔侶各已共飛騫延睇盡朝日長懷通夜魂  
空聞岸竹

動徒見浦花繁多慙春鶯曲相求意猶存

奉酬韋祭酒自湯還都經龍門北溪莊見貽

集作

贈  
之什

張說

聞君湯井至蕭灑戲

集作

郊林拂曙携清賞披雲親綠

岑歡然遊覽意款曲望歸心是日期佳客同山忽異尋

桃花

集作

迂路轉楊柳間門深汎舟伊水漲繫馬香樹

陰繁絃弄水族嬌吹狎莎禽春滿汀色媚景斜嵐氣突

疎替懷仁殊未遠重德匪輕臨來藻敷幽思連詞報所

欽

春日山莊

韋述

初歲開韶月田家喜載陽晚晴搖水態遲景蕩山光浦  
淨漁舟遠花飛樵路香自然成野趣都使俗情忘

秋雨輞川莊作

王維

積雨空林煙火遲蒸藜炊黍餉東菑漠漠水田飛白鷺  
陰陰夏木轉黃鸝山中習靜觀朝槿松下行集作清齋折

露葵野老與人爭席罷海鷗何事集作處更相疑

題李十四莊兼贈綦母校書 孟浩然

聞君息陰地東郭柳林間左右瀝澗水門庭緱氏山抱

琴來取醉垂釣坐乘閒歸客莫相待綠原集作尋源殊未還

陸渾山莊即事

見三百十五卷

祖詠

題趙孟莊

楊巨源

管鮑化為塵交友存如線昇堂俱自媿得路難相見懿  
君敦三益顏俗期一變心同襲芝蘭氣合迴霜霰石門  
雲卧久玉洞花尋遍王濟愛旌旗梁竦勞州縣煙鴻秋

更遠天馬寒愈健願事郭先生青囊書幾卷

王侍御南原莊

賈島

買得足雲地新栽藥數窠  
峯頭盤一逕原下注雙河  
春寺閒眠久晴臺獨上多  
南齋宿雨後一作夜仍許重來麼

過山家

張蠙

避暑得探幽忘言遂久留  
雲深窓失曙松合徑先秋  
響谷傳人語鳴泉洗客愁  
家山不在此至此可歸休

興元沈氏莊

唐彥謙



清淺紫紆一水間竹岡藤樹小躋攀露沾荒草行人過  
月上高林宿鳥還江遶武侯籌筆地雨昏張載勒名山  
異鄉一笑因酣醉忘却愁來鬢髮斑

田家

還田舍

周捨

薄遊久已倦歸來多暇日未鑿武陵嵒先開仲長室松  
篁日月長蓬麻歲時密心存野人趣貴使容吾膝況茲  
薄暮情高秋正蕭瑟

山林休日田家

盧照隣

歸休乘暇日，饁稼返秋塲。  
徑草疏王萼，嵒枝落帝桑。  
耕田虞訟寢，鑿井漢機忘。  
戎葵朝委露，薺草一作齊粟夜含霜。  
南澗泉動冽，東籬菊正荒。  
還思北窓下，高卧偃羲皇。

晚憇田家

駱賓王

轉蓬勞遠役，披薜下田家。  
山形類九折，水勢急三巴。  
懸梁接斷岸，澁路擁崩查。  
霧崑淪曉魄，風淑漲寒沙。  
迹一朝舛關山，萬里賒龍章。  
徒表越閩俗，本殊一作非華旅。

行勞

一作  
悲

泛梗離贈折

一作  
斷

踈麻惟有寒潭菊獨似故

園花

田家作

王維

舊穀行將盡良田米可希老年方愛竹  
卒歲且無衣雀乳青苔井鷄鳴  
白板扉柴車駕羸犝草屨牧豪豨  
舊雨紅榴坼新秋綠芋肥  
餉田桑下憇傍舍草中歸  
住處名

愚谷煩君

某作  
何煩

問是非

渭水

某作  
水

田家

前人

斜陽

集作先

照墟落窮巷牛羊歸野老念牧童倚杖候荆

扉雉雉麥苗秀蠶眠桑葉稀田夫荷鋤至相見語依依

即此羨閒逸悵然歌

集作吟

式微

田家即事

祖詠

見集本

舊居東臯上左右俯荒村樵路前傍嶺田家遙對門歡  
娛始披拂愜意在郊原餘霽蕩川霧新秋仍晝喧攀條  
憇林麓引泉開水源稼穡宜云倦桑麻今正煩方求靜  
者賞偶與潛夫論

集作言

鷄黍何必具吾心知道尊

田家雜興四首

儲光義

田家趨隴畝，當晝掩虛闕。隣里無煙火，兒童共幽閒。桔

槔懸虛圃，鷄犬滿桑間。時來

集作須臾

農事隙，採藥遊名山。

但願所採多，不言路險難。人生如蜉蝣，一往不可攀。君

看西王母，千歲

集作載

芙蓉顏。

二

梧桐陰

去聲

我門薜荔網，我屋迢迢雨。夫婦朝出暮，還宿

稼穡既自務

集作種

牛羊還自牧。日旰嬾耕鋤，登高望川

陸空山足禽獸墟落多喬木白馬誰家兒聯翩相馳逐

三

平生

集作平時

養情性不復計

集作知

憂樂去家行賣畚留滯

南山

集作陽

郭秋至黍苗黃無人可刈獲

集作穉

子朝未

飯把竿逐鳥雀忽見梁將軍乘休出宛卻意氣軼道路  
光暉滿墟落安知負薪者啞啞笑輕薄

四

楚山有高士梁國有遺老築室既相隣向田復同道糗

猶常共飯兒孫每日集作更抱忘此耕耨勞愧彼風雨好螻

蛄鳴空澤鷓鴣生

集作傷

秋草日夕寒風來衣裳苦不早

田家書情

集作即事

前人

蒲葉日已長荷

集作荷疑作杏

花日已滋老農要看此貴不違

天時迎晨起飯牛雙駕耕東菑蚯蚓集作墳土中出田鳥

隨我飛羣合亂咏噪噉噉如道饑我心多惻隱顧此兩

傷悲發食飼

集作食與

田鳥日暮空筐歸親戚更相誚我

心終不移

江上田家

包何

近海川源薄人家本自稀  
黍苗期臘酒霜葉是寒衣  
市井雖相識漁樵夜始歸  
不須騎馬問恐畏狎鷗飛

贈田家翁

耿緯

老人迎客處

零

蘇集作

落稻畦間蠶屋朝寒閉  
田家晝雨

閒門間新雜草樵採舊  
青山自道誰相友  
邀人集作余試

往還

觀田家

韋應物

見集本



微雨衆卉新一雷驚蟄始田家幾日閒耕種從此起丁  
壯俱在野場圃亦就理歸來景常晏飲犢西澗水饑劬  
不自苦膏澤且為喜倉廩無宿儲徭役獨未已方慚不  
耕者祿食出閭里

田家即事

權德輿

閒卧藜牀對落暉翛然便集作更覺世情非漠漠桃花資

旅食青青荷葉製裳集作儒衣山僧相訪期中飲集作飯漁

父同遊或夜歸待學尚平婚嫁畢渚煙溪月共忘機

田家

司空曙

田家喜雨足隣老相招携  
泉溢溝塹壞麥高桑柘低  
呼

兒催放犢邀

集作宿

客待烹鷄搔首蓬門下  
知將軒冕齊

田家

楊顏

小園是生事尋勝日傾壺  
蒔蔬利於鬻茶青摘已無  
四隣依野竹日夕共樵枯  
田家心適時春色遍桑榆

南野逢田客

楊發

桑柘悠悠水蘸堤  
晚風晴景不妨犁  
高機猶織卧蠶子

下坂未饑逢飼妻杏色滿林羊駱熟麥涼浮壠雉媒低  
生時自樂死由命萬事在天管不迷

張谷田舍

鄭谷

見集本

縣官清且儉深谷有人家一徑入寒竹小橋穿野花  
喧春澗滿梯倚綠桑斜自說年來稔前村酒可賒

田舍曲

王貞白

古今利名路只在儂門前至老不離家一生常晏眠  
羊晚自歸兒童戲野田豈思封侯賞惟只待豐年征賦

豈辭苦但願時官賢時官苟貪濁田舍生憂煎

文苑英華卷三百十九

欽定四庫全書

文苑英華卷三百二十  
宋 李昉等 編

郊祀

宿齋八首  
祠廟五十六首

宿齋

和劉尚書廉明堂齋宮  
梁元帝

微質攝上宰詰旦乘軺軒四邸陳蒼玉六變舞雲門香  
浮鬱金酒煙繞鳳凰尊新花臨御街一作御宙春色起天園

河間獻樂語斯道愧能論

扈從郊廟因呈兩省諸公

韓翃

丹墀列士主恩同  
廐馬翩翩出漢宮  
奉引乘輿金仗裏  
親嘗賜食玉盤中  
晝趨行殿旌門北  
夜宿齋房刻漏東  
明日駕迴承雨露  
齊將萬歲及春風

朔旦冬至攝職南郊因書即事

權德輿

大明南至應

某作慶

天正朔旦圜丘樂六成  
文軌盡同堯

歷象齋祠忝備漢公卿星辰列位祥光滿金石交音曉  
奏清更有觀臺稱賀處黃雲捧日瑞昇平

癸巳歲吉甫園丘攝事合於中書後閣宿齋常  
員忝媿移止於集賢院會門下相公以七言垂  
寄亦有所求短章絕韻不足抒意因叙所懷奉  
寄相公兼呈集賢院諸學士 前人

淮海同三入樞衡過六年

後漢牟融  
六年任職

廟齋兢永夕書府

會羣仙粉壁連霜曙水池對月圓歲時憂裏換鍾漏靜

中傳蓬髮顏空老松心契獨全贈言因傳說垂訓在三  
篇

奉酬中書相公至日園丘攝事合於中書後閣  
宿齋移止於集賢院叙懷見寄之作

武元衡

郊廟祗嚴祀齋莊覲上玄別開金虎觀不離紫微天樹

古長楊接池深

其作清

太液連仲山方補職

其作袞

文舉自

傷年風溢銅壺漏香凝綺閣煙仍聞白雪唱流詠滿鶡



五

同前

裴度

見集本

翼亮登三命

趙公三拜中書侍郎平章事

謨猷本一心致齋移秘府

祇事見冲襟皓月當延閣祥風自禁林相庭方積玉王

度已如金運偶唐虞盛情同丙魏深幽蘭與白雪何處

寄庸音

同前

崔曙

典籍開書府恩榮避鼎司郊丘資有事齋戒守無為宿

霧蒙瓊樹餘香覆玉墀  
進經逢一夜展禮值明時  
敷共山河列名同竹帛  
垂年年佐堯舜相與致雍熙

奉和李相公攝事南郊覽物興懷呈一二知己

某作  
舊

韓愈

燦燦辰角曙亭亭寒露朝  
川原共澄映雲日還浮飄  
上宰嚴祀事清途振華鑣  
圜丘峻且坦前對南山標  
村樹黃復綠中田稼何饒  
顧瞻想巖谷興歎倦塵囂  
惟彼顛冥非作  
宣非者去公豈不遼  
為仁朝自治用靜兵以銷  
勿憚

吐握集作勤可歌風雨調聖賢相遇少功德今宣昭

祠廟

和蕭東陽祀七里廟

梁簡文帝

萬里實幽宗三神亦天構豈謂木石精斯乃山川守遠  
來太白旗遙徵青烏候以茲敬弗怠方知教應富以下十篇

見藝文類聚

漢高廟賽神

前人

玉軼朝行動閭闔一作閭闔旦應開白雲蒼梧上丹鳳類聚作霞

咸陽來日正山無影城斜漢屢迴瞻流如地脉望嶺匹  
天台欲祛九秋恨聊舉十千盃

祀五相廟

梁元帝

石城寧足植金陣詎能追楚闕開六塞吳兵入九圍山  
水猶縈帶城池失是非空餘壽宮在日暮舞靈衣

賽漢高廟

庾肩吾

昔作唐山曲今承紫月壇寧知臨楚岸非復望長安野  
曠秋光動林高葉早殘塵飛遠騎沒日徙半峯寒徒然

仰成誦終用試才難

亂後經夏禹廟

前人

金簡泥初發龍門鑿始通配天不失舊為魚微此功林  
堂上偃蹇山殿下穹窿侵雲似天闕照水類河宮神來  
導赤豹仙去擁飛鴻松龕撤暮俎棗逕落寒叢仙舟還  
入鏡玉軸更乘空去國嗟行邁離居泣轉蓬月起闕

類聚

作吳

山北星臨天漢東申胥獨

類聚作猶

有志苟息本懷忠待

見攬槍滅歸來松栢同

登二妃廟

吳筠

朝雲亂入目帝女湘川宿折菑巫山下採苻洞庭腹故  
以輕薄好千里命艫舳何事非相思江上歲荄竹

西門豹廟

庾信

君子為利博達人樹德深蘋藻由斯薦樵蘇幸未侵恭

聞正臣

類聚  
作直

祀良識佩韋心容範雖年代徽猷若可尋

菊花隨酒馥槐影向窓臨鶴飛疑逐舞魚驚似聽琴漳  
流鳴磴石銅爵影秋林

從駕祀麓山廟

楊慎

聖德憂民暇，麾旆謁山靈。畫航汎北渚，文馬侍東平。春

浦戈鋌照寒林，銑吹鳴依稀。長安舞

類聚作驛

蕭條都尉城

井泉能共動，江帆得分行。窻幽細網合，階淨落花明。櫂

巢始入燕，軒樹已遷鶯。菲菲蘭俎馥，淡淡桂樽清。銀塘

類聚作堂

日影晝

類聚作畫

玉坐舞衣輕

行經季子廟

張正見

延州高讓遠，傳芳世祀移。地絕遺金路，松悲懸劔枝。野

藤侵藻井山雨濕苔碑別有觀風處樂奏無人知

遊卞山楚廟

江總

蘋藻祈明德倚棹息巖阿忽聽晨鷄

類聚作鳥鳴

曙非是

類聚

作復楚人歌閒堦蘿宿齋古木斷懸蘿幃

一作帳

堂寂易晚

枹鼓自相和盛祀流百世英威定幾何

攝官梁小廟

前人

疇昔遊衣所今日薦櫻時憲章誠有草歲月遂難思故人獨之子官聯更在茲虛簷靜暮雀洞戶暎光絲平生



復能幾語事心傷悲

和謁孔子廟

劉斌

性與雖天縱主世乃無由何言太山毀空驚逝水流及  
門思往烈入室想前脩寂寞荒堦暮摧殘古木秋遺風  
暖疑如此聊以慰蒸一作蒙求

謁漢高廟

李百藥

纂堯靈命啓滅楚閔餘終飛名膺帝錄汎一作沉迹韞神

功瑞氣朝浮碣祥符夜告豐抑揚駕人傑叱叱掩時雄

締構三靈改經綸五緯同干戈草宇內聲教盡寰中運  
謝年逾遠魂歸道未窮樹碑留故邑抗殿表祠宮沐蘭  
祈泗上謁帝動深衷英威宿如在文物杳成空竹皮聚  
寒逕粉社落霜叢蕭索陰雲晚長川起大風

登葉縣故城謁諸梁廟

前人

總轡臨秋原登城望寒日煙霞共掩映林野俱蕭瑟楚  
塞鬱不窮吳山高漸出客行殊未已沐澡期終吉椒桂  
奠芳罇風雲下虛室館宇肅而靜神心康且逸伊我非

真龍勿驚疲朽質

過老子廟

唐玄宗

仙居懷聖德靈廟肅神心  
草舍人蹤斷塵濃鳥跡深  
流沙丹竈沒關路紫煙沉  
獨傷千載後空餘松栢林

送特進李嶠入都祔廟

徐彥伯

特進三公下台臣百揆先  
孝圖開寢石祠坐卜牲筵思  
急青綸賜徂裝紫索懸綢繆  
金鼎席宴餞玉橫川北斗  
分征路東山起贈篇樂池歌  
綠藻梁苑籍紅筌騎轉商

巖日旌搖闕塞煙廟堂湏鯁議錦節佇來旋

謁禹廟

宋之問

夏王乘四載茲地發金符駿命終不易報功疇敢踰先  
驅總章會後至伏靈誅玉帛空天下衣冠照海隅旋聞  
厭黃屋便道出蒼梧林表祠轉茂山阿井詎枯舟遷龍  
負壑田變鳥雲蕪舊物森如在天威肅未殊玄夷屆瑤  
席玉女待清都奕奕閨一作局闈邃軒軒仗衛趨氣清連  
曙海雲白洗春湖猿嘯有時合禽言常自呼靈歆異蒸

精至樂非脫 芋茅殿今不襲梅梁古制無運逢日崇麗

業盛答昭蘇伊昔力云盡而今功尚敷揆材非美箭精  
享愧生芻郡職昧為理拜空寧自誣下車霰已積攝事  
露行濡人隱冀多祐曷惟霑薄軀

章會

集作  
昌會

時合

集作  
時答

緱山廟

見二百二  
十六卷

汾陰后土祠作

李適

昔予讀舊史遍覩

一作  
觀

漢世君武皇實稽古建茲百代

勳號令垂懋典舊經備闕文南巡歷九嶷舳艫被江濱  
勒兵十八萬旌旗何紛紛竭來茂陵下英聲不復聞我  
行歲方晏極望山河分神光終冥冥鼎氣獨氤氳攬涕  
涉睢上登高見彼汾碓圖今安在飛飛有白雲

冬日洛城北謁玄元皇帝廟廟有吳道子畫聖

圖

杜甫

配極玄都閎憑高禁籞長守祧嚴具禮掌節鎮非常碧  
瓦初寒外金莖一氣傍山河扶繡戶日月近雕梁仙李

盤根大猗蘭奕葉光世家遺舊史道德付今王畫手看  
前輩吳生遠擅場森羅移地軸妙絕動宮墻五聖聯龍  
袞千官列鴈行冕旒俱秀發旌旆盡飛揚翠栢深留景  
紅梨迴得霜風箏吹玉柱露井動銀牀身退卑周室經  
傳拱漢皇谷神如不死養拙更何鄉

禹廟

前人

禹廟空山裏秋風落日斜  
荒庭垂橘柚古屋畫龍蛇  
雲氣虛清壁江聲走白沙  
早知乘四載疏鑿控三巴

蜀相廟

前人

丞相祠堂何處尋錦官城外柏森森  
映階碧草自春色

隔葉黃鶯

某作  
鵬多

空好音三顧頻煩天下計  
兩朝開濟老

臣心出師未捷

某作  
戰

身先死長使英雄淚滿襟

謁漢世祖廟

劉希夷

舂陵氣初發漸臺首未傳  
列營百萬衆持國十八年  
運開朱旗後道合赤符先  
宛城劒鳴匣昆陽鏑應弦  
儼獸血塗地巨人聲沸天  
長驅過北趙短兵出南燕  
十守迎



門外王郎死道邊昇壇九成陌端拱千秋田朝廷方雀  
躍紛佩幾聯翩至德行四海神儀翳九泉宗子行舊邑  
恭聞清廟篇君容穆而聖臣像儼猶賢攢木承危柱踈  
蘿挂朽椽祠庭巢鳥啄祭器網蟲緣懷古江山在惟新  
歷數遷空餘今夜月長似舊時懸

嚴陵祠

洪子輿

漢主召子陵歸宿洛陽殿容星今安在隱迹猶可見水  
石空潺湲松篁尚蔥蒨岸深翠陰合川迴白雲遍幽逕

滋蕪沒荒祠，暮霜霰垂釣。想遺芳，拔蘋羞野薦，高風激  
終古。語理忘榮賤，方驗道可遵。一作尊山林情不變。

登樂遊廟懷古

豆盧田一作回

緬維漢宣帝，初謂皇曾孫。雖在襁褓中，亦遭巫蠱寃。至  
哉丙廷尉，感激義彌敦。馳逐蓮勺道，出入諸陵門。一朝  
風雲會，竟登天地尊。握符昇寶歷，負宸御華軒。赫奕文  
物備，歲隄休瑞繁。卒為中興主，垂名於後昆。雄圖奄已  
謝，餘址空復存。昔為樂遊苑，今成狐兔園。朝見牧豎集。

夕聞栖鳥喧蕭條灞亭岸寂寞杜陵原  
暮塵野煙起蒼茫嵐氣昏二曜屢迴薄  
四時更涼溫天道尚如此人理安可論

湘妃廟

劉長卿

荒祠古木暗寂寂此江濱未作湘集作湖南雨知為何處

雲苔痕斷珠履草色帶羅裙莫唱迎仙曲空山不可聞

過桃花夫人廟

前人

寂

集作冥

冥應千歲

集作載

桃花想一枝路人看古木江月

向空祠雲雨飛何處山川是舊時獨憐春草色猶似憶

佳期

登首陽山謁伯夷廟

李頎

古人已不見喬木竟誰過寂寞首陽山白雲空復多蒼  
苔歸骨地皓首採薇歌畢命無怨色成仁其若何我來  
入遺廟時候辨淳和落日弔山鬼迴風吹女蘿石門正  
西壑引領望洪河千里一飛鳥孤光東逝波驅車層城  
路惆悵此巖阿

陪皇甫大夫謁禹廟

嚴維

竹使羞殷薦，松龕拜夏祠。  
為魚致美後，舞羽降神時。  
仗衛瞻如在，精靈信有期。  
夕陽陪醉止，塘上馬咸遲。

題遊仙閣息

一作白

公廟

李嘉祐

見集本

仙冠輕舉竟何之，薜荔緣堦竹暝祠。  
甲子不知風馭日，朝昏惟見雨來時。  
霓旌翠蓋終難遇，流水青山空所思。  
逐客自憐雙鬢改，焚香多負白雲期。

夜聞江南人家賽神因題即事

前人

南方淫祠

一作祀

古風俗楚媪解

集作姬能

唱迎神曲鎗鎗銅

鼓蘆葉深寂寂瓊筵江水淥雨過風清洲渚閑椒漿醉

盡神欲

集作迎神

還帝女凌空下江岸番君隔浦向堯山月

隱回塘猶自舞一門依倚神之祐韓康賣集作靈藥不復

求扁鵲傳

集作醫

方魯莫覩逐客臨江空自悲月明流水

無已時聽此迎神送神曲携觴欲弔屈原祠

題尹真人廟

郎士元

宵宵雲旗去不還  
陰陰祠宇閉空山  
我來始悟丹青妙  
稽首如逢冰雪顏

奉陪侍中春日過武安君廟

盧

綸

見集本

長裾間

一作問

貌虎遺廟盛攀登  
白羽三千騎紅林  
一萬

層元臣達幽契  
祝史告明徵  
撫坐悲今古  
瞻容感廢興  
迴風卷叢栢  
驟雨濕諸陵  
倏忽煙花霽  
當營看月昇

題舜廟

張濯

上都遺廟出河汾

一作瀆

萬代千秋仰聖君  
蒲坂城邊長

逝水蒼梧野外不歸魂  
寥寥薦設魂應在寂寂  
虞篇德已聞  
向曉風吹庭下栢  
猶疑琴曲咏南薰

題伍相廟

常雅

蒼蒼古廟暎林巒  
冪冪煙霞覆石壇  
精魄不知何處在  
威風猶入浙江寒

巫山神女

劉方平

神女藏難識  
巫山秀莫羣  
今宵為大雨  
昨日作孤雲  
散漫愁巴峽  
徘徊戀楚君  
先王為立廟  
春樹幾氛氲



華嶽

集作山

南廟

李益

陰山臨古道廟閉空

集作廟  
說閣

山碧落日春草

集作木

中寨

芳薦瑤席明靈達精意髣髴如不隔微雨

集作岩風

神降時

迴風

集作颭

入松柏常聞坑儒後此地曾返

集作返秦

壁自古

害忠良神其輔宗祐

經夫差廟

陳羽

姑蘇城畔千年木刻作夫差廟裏神冠蓋寂寥塵滿室  
不知簫鼓樂何人

經伏波神祠

劉禹錫

蒙蒙篔簹竹下有路上壺頭漢壘磨  
龜鬪蠻溪霧雨愁懷人敬遺像  
閱世指東流自負霸王略安知思澤侯  
鄉原

集作

辭石柱筋力盡炎州一以功名累  
翻思馬少遊

陽山廟觀賽神

梁松南征至此遂為其神在朗州

前人

漢家都尉舊征蠻血食如今配此山  
曲蓋幽深蒼檜下

洞簫愁

一作吹

絕翠屏間荆巫脉脉傳神語  
野老娑娑啓

醉顏日落風生廟門外  
幾人連踏竹歌還

題山中古祠

張籍

春草空山暮荒林鳥雀飛  
記年碑石在經亂祭人稀  
野鼠緣朱帳陰塵蓋一作帳  
畫衣近門集作來  
潭水黑時見宿

龍歸

經貞女祠

僧無可

朝賽暮還祈開唐復歷隋  
精誠山雨至歲月廟松衰  
窺穴龍潭黑過門鳥道危  
不同巫峽女來至集作往  
楚王祠

聖集作神女廟

許渾

停車祠聖女涼葉下陰風龍氣石牀濕鳥鳴集作聲山廟

空長看留桂綠丹臉寄蓮集作蘭紅莫學陽臺畔朝雲暮

雨中

聖女祠二首

李商隱

杳靄集作藹逢仙迹蒼茫集作莊滯客途何年歸碧落此路

向皇都消息期青雀逢迎異紫姑腸迴楚國夢心斷漢

宮巫從騎裁寒竹行車蔭白榆星娥一去後月姊更來

無遼鶴

集作  
寒鶴

迷蒼壑羈鸞

集作  
鳳

怨翠梧  
抵應碧桃下方

朔是狂夫

二

松篁臺殿蕙花園

集作  
香園

龍護瑤窓鳳掩扉  
無質易迷三

里霧不寒長著五

一作  
六

銖衣人間定有崔羅什  
天上應

無劉武威寄問釵頭雙白燕  
每朝朱館幾時歸

題谷神廟

集作題  
竹谷祠

溫庭筠

蒼蒼松色

集作  
竹

晚

一徑入荒祠  
古樹風吹馬虛廊日照

旗煙煤朝莫處雲雨夜歸時寂寞湘江客空看蔣帝碑

題蕭山廟

前人

故道木陰濃荒祠山影東杉松一庭雨幡蓋滿堂風客

莫晚沙

集作  
晚沙

濕馬嘶春

集作  
秋

廟空夜深雷電歇龍入古

潭中

蘇武廟

前人

蘇武魂銷漢史前古祠高樹雨茫然雲邊鴈斷胡天月

隴上羊歸塞草煙迴日樓臺非甲帳去時冠劍

一作  
蓋

是

丁年茂陵不見封侯印空向秋波哭逝川

黃陵廟二首

李羣玉

小孤

一作表

洲北浦雲邊二女啼粧共儼然野廟向江春

寂寂古碑無字草芊芊東風日暮吹香

一作芳

芷落日山

深哭杜鵑猶似含顰望巡狩九嶷愁黛隔湘川

二

黃陵廟前莎草春黃陵女兒茜裙新輕舟小楫隨歌去  
水濶山長愁殺人

許由廟

羅隱

高桂風飄濯漢濱  
土階三尺愧清塵  
可憐比屋堪封日  
若到人間是衆人

韓信廟

前人

剪項夷秦勢已雄  
布衣還是負深功  
懦夫女子集作寡妻稚女  
俱堪恨却把餘盃奠蒯通

題段太尉廟

前人

近甸蒙塵日南梁  
反正年飄流茂陵  
椀零落太官椽  
建



熏非降楚披圖異錄燕堪嗟倚中血不及御衣前

湘妃廟

前人

劉表荒碑斷水濱廟前幽草閉殘春已將怨淚流斑竹  
又感悲風入白蘋八族未來誰北拱四凶猶在莫南巡  
九峯相似堪疑處望見蒼梧不見人

竹郎廟

薛濤

竹郎廟前多古木夕陽沉沉山更綠何處江村有笛聲  
笛聲盡是迎郎曲

謁巫山廟

韋莊

亂猿啼處訪高唐路入煙霞草木香山色未能忘  
宗玉水聲猶似哭襄王朝朝夜夜陽臺下為雨為雲  
楚國亡惆悵廟前多少柳春來空鬪畫眉長

文苑英華卷三百二十終

欽定四庫全書

集部

文苑英華卷三百二十一至  
三

詳校官太僕寺少卿臣李燾

助教臣常循覆勘

總校官進士臣朱 鈞

校對官中書臣王鍾泰

謄錄監生臣薛登瀛

欽定四庫全書

文苑英華卷三百二十一 宋 李昉等 編

花木一

牡丹二十七首 桃花十五首

杏花八首 紫薇花三首

牡丹 李益

紫藥纔開未到家却教遊客賞繁華始知年少求名處  
滿眼空中別有花

題所賃宅牡丹

王建

賃宅得花饒初開恐是妖霞集作粉光深紫膩肉色退紅

嬌且願風留着唯愁日炙焦襟詠作銷可憐零落葉收取作

香燒

賞牡丹

前人

此花名價別開艷益皇都香逼苓菱疑死紅燒躑躅枯  
軟光籠細脉妖色暖鮮膚滿蕊攢黃粉含稜縷絳蘇好  
和薰御服堪畫入宮圖晚態愁新婦殘粧望病夫教人

知箇數留客賞斯須一夜輕風起千金買亦無

戲題牡丹

韓愈

幸自同開俱隱約何須相倚鬪輕盈  
陵晨併作新粧面

對客偏含不語情雙燕無機來拂畧

集作還拂掠

遊蜂多思

正經營長年是事皆拋盡

集作棄

今日欄邊暫眼明

唐郎中宅與諸公同飲酒看牡丹

劉禹錫

今日花前飲甘心醉數盃但愁花有語不為老人開

以上三篇並見集本

渾侍中牡丹

徑尺千餘朵人間有此花  
今朝見顏色更不向諸家

賞牡丹

前人

庭前芍藥妖無格池上芙蓉淨少情  
唯有牡丹真國色  
花開時節動京城

惜牡丹花二首

白居易

惆悵階前紅牡丹晚來唯有兩花枝

集作枝

殘明朝風起應

吹盡夜惜哀紅把火看

二

寂寞萎紅低向雨離披破艷散隨風晴天

集作明

落地猶

惆悵何況飄零泥土中

牡丹

李商隱

錦帷

集作幃下同

初卷衛夫人

典畧云夫子見南子在錦帷之中

繡被猶

堆越鄂君垂手亂翻雕玉珮細腰頻舞

集作招腰爭舞

鬱金裙

石家蠟燭何曾剪苗今香爐可待薰我是夢中傳彩筆



欲書花片

集作葉

寄朝雲

同前

絕代祇西子衆芳唯牡丹月中虛有桂天上謾誇蘭夜  
濯金波滿朝傾玉露殘性應輕菡萏本是琅玕奪目  
霞千片陵風綺一端稍宜經一作霜宿雨徧覺耐春寒見

說開元歲初令植御欄貴妃嬌欲比侍女妒羞看巧類  
駕機織光橫射月團漸移公子第還種杏花壇豪士傾  
囊買貧儒假乘觀葉藏梧際鳳枝動鏡中鸞似笑賓初

至如愁酒欲闌詩人忘芍藥釋子媿梅檀酷烈宜名壽  
姿容想姓潘素光翻鷺羽丹燄艷鷄冠燕拂驚還語蜂  
貪困未安僮令紅臉笑兼解翠眉攢少長呈連萼嬌矜  
寄合歡息肩移九軌無脛到千官日耀香房拆風披藥  
粉乾好酬青玉案稱貯碧水盤璧要連城與珠堪十斛  
判更思初甲拆那得異泥蟠騷詠應遺恨農經祇粗刊  
魯般雕不得延壽筆將殫醉客同攀折佳人惜犯干始  
知來苑圃全勝在林巒泥滓當澆洒庭除又綽寬若將

桃李並方覺効嘖難

牡丹二首

溫庭筠

輕陰隔翠幃宿雨泣晴暉  
醉後佳期在歌餘舊意非  
蝶繁輕粉任蜂重抱香歸  
莫惜薰爐夜因風到舞衣

二

水漾晴紅壓疊波  
曉來金粉覆庭莎  
裁成艷思偏應巧  
分得春光最數多  
欲綻似含雙靨笑  
正繁疑有一聲歌  
華堂客散簾垂地  
想凭欄干歛翠蛾

同前四首

薛能

異色稟陶甄，常疑主者偏。  
衆芳殊不類，一笑獨奢妍。  
顛折羞含嬾，聚虛隱陷圓。  
亞心堆勝被，美色艷於蓮。  
品格如寒食，精光似少年。  
種堪收子子，價合易賢賢。  
迴秀應無妒，竒香稱有仙。  
深陰宜映幕，富貴助開筵。  
蜀水爭能染，巫山未可憐。  
數難忘次第，立困戀傍邊。  
逐日愁風雨，和星祝夜天。  
且從留盡賞，離此便歸田。

二乾符二年再作

前人

萬朶照初筵狂遊憶少年  
曉光如曲水顏色似西川  
白向庚辛受朱從造化  
研衆開成伴侶相笑極神仙  
見焰寧勞火聞香不帶煙  
自高輕月桂非耦賤池蓮  
影接彫盤動藪遭惡草  
偏招歡憂事阻就卧覺情牽  
四面宜綈錦當頭稱管絃  
泊來鴛定憶紛擾蝶何真  
蘇息承朝露滋榮仰霽天  
壓欄多盡好敵國貴宜然  
未落頰迷醉因茲任病纏  
人誰知極物空負感麟篇

三

去年零落暮春時淚濕紅牋怨別離

一作詩

常恐便同

一作

如巫峽散因何重有武陵期傳情每向馨香得不語還  
應彼此知只欲攔邊安枕席夜深閑共說相思

四

牡丹愁為牡丹饑自惜多情欲瘦羸濃艷冷香初蓋後  
好風乾雨正開時吟蜂遍坐無閑藥醉客曾偷有折枝  
京國別來誰占翫此花光景屬吾詩

同前二首

韓琮

桃時杏日不爭濃  
葉帳陰成始放紅  
曉艷遠分金掌露  
暮香深惹玉堂風  
名移蘭杜千年後  
貴擅笙歌百醉中  
如夢如仙忽零落  
暮霞何處綠屏空

二詠未開者

殘花何處藏  
盡在牡丹房  
嫩葉包金粉  
重葩結繡囊  
雲凝巫峽夢  
簾閉景陽粧  
應恨年華促  
遲遲待日長

觀江南牡丹

張瓊

北地花開南地風  
寄恨還與客心同  
群芳盡怯千般態

幾醉能銷一番去聲紅舉世祇將華勝實真禪元喻色為  
空近年明主思王道不許新栽滿六宮

僧院牡丹

陳標

琉璃地上開紅艷碧落天頭散曉霞應是向西無地種  
不然爭肯重蓮花

牡丹

羅鄴

落盡春紅始見

誰詠  
作着

花花時比屋事豪奢買栽池館恐

無地看到子孫能幾家門倚長衢攢繡轂

雜詠  
作軛

幄籠輕



日護香霞歌鍾滿座爭觀賞肯信流年鬢有華

同前二首

前人

似共東風別有因絳羅高捲不勝春若教解語應傾國  
任是無情亦動人芍藥與君為近侍芙蓉何處避芳塵  
可憐韓令功成後辜負穠華過此身

二虛白堂前相傳云  
白傅手植在錢塘

欲詢往事奈無言六十年來此託根香煖幾飄袁虎扇  
格高長對孔融尊曾憂世亂陰難合且喜春殘色尚存

莫背欄干便相笑與君俱受主人恩

牡丹

裴說

數朶欲傾城

集作色  
堪驚

安同桃李榮未嘗貧處見不似地

中生此物疑無價當春獨有名遊蜂與蝴蝶來往似多情

裴給事宅白牡丹

盧綸

長安豪貴惜春殘爭翫街西

詩選作爭  
貴新開

紫牡丹別有玉

盤承露冷無人起就月中看

白牡丹

王貞白

穀雨洗纖素裁為白牡丹異香開玉合輕粉泥銀盃時  
貯露華濕宵傾月魄寒家人淡粧罷無語倚朱欄

桃花

奉和詠龍門桃花

蕭愨

舊聞開露井今見植龍門樹少知非塞花高異小園論  
時應未發故欲影歸軒抵言輕

初學記  
作經

摘罷猶勝逐風

翻

詠桃

唐太宗

禁苑春暉麗花溪綺樹裝綴條深淺色點露參差光向日分千笑迎風共一香如何仙嶺側獨秀隱遙芳

望人家桃花

賀知章

山源夜雨度仙家朝發東園桃李花桃花紅兮李花白照灼城隅復南陌南陌青樓十二重春風桃李誰為容棄置千金輕不顧踟躕五馬謝相逢徒言南國容華晚遠哉嘆西家飄落遠的皜長春明光殿氛氲半入披香

苑苑裏珍木元自竒黃金作葉白銀枝千年萬歲不凋  
落還將桃李更相宜桃李從來露井傍成蹊結影矜艷  
陽莫道春光不可樹會持仙實薦君王

解中見桃花南枝已開北枝未發因寄杜副端

劉長卿

何意同根本開花每後時應緣去日遠獨自發春遲結

實恩難忘

去聲 某作望

無言恨豈知年光不可待空美向南

枝

入百丈澗見桃花晚開

前人

百丈深澗裏過時花欲妍應緣地勢下遂使春風偏

晚桃花

白居易

一樹紅桃亞拂池竹遮松陰晚開時非因斜日無由見  
不是閒人豈得知寒地生材遺較易貧家養女嫁常遲  
春風其作深欲落誰憐惜自待郎來折一枝

大林寺桃花

前人

人間四月芳菲盡山寺桃花始盛開長恨春歸無覓處

不知轉入此中來

華陽觀桃花時招李六拾遺飲

見二百三十七卷

前人

玄都觀栽桃十韵

章孝標

驅使鬼神功攢栽萬樹紅  
薰香丹鳳闕粧點紫瓊宮  
寶帳重遮日妖金遍累空  
色燃燒藥火影舞步虛風  
粉撲青牛過枝驚白鶴冲  
拜星春錦上服食晚霞中  
碁局陰長合簫聲秘不通  
艷陽迷俗客幽邃失壺公  
根柢終盤

石桑麻自轉蓬求師飽靈藥他日訪遼東

金谷園桃李

許渾

花在舞樓空年年依舊紅淚光停曉露愁態倚春風開  
處妾先死落時君亦終東流兩三集作三片應到一作在夜

泉中

桃花

薛能

香色是天種千年豈易逢開齊全未落繁極欲相重冷  
濕朝如澹晴乾晚更濃風光新社燕時節舊春鴻籬落



歌臨竹亭臺盡間松亂綠堪羨蟻深入不如蜂有影宜  
暄照無言自治容洞連非俗世蹊盡接仙蹤子熟河應  
變根盤土已封西王潛愛惜東朔恣偷從醉席眠英好  
題詩戀境慵芳菲聊一望何必是臨邛

敷水小桃盛開因題

溫庭筠

敷水小橋東娟娟

一作娟娟

照露叢所嗟非勝地堪恨是春

風二月艷陽節一枝惆悵紅定知留不住吹落路塵中

反生桃花發因題

前人

病眼逢春四壁空  
夜來山雪破東風  
未知王母千年熟  
且共劉郎一笑同  
已落又開橫晚翠  
似無如有帶朝紅  
僧虔蠟炬高三尺  
莫惜連宵照露叢

小桃

鄭谷

和煙和雨遮敷水  
映竹映村連灞橋  
一作陵 撩弄春風柰

寒冷到頭贏得杏花嬌  
一作憎

桃花

羅隱

暖觸衣襟漠漠香  
間梅遮柳不勝芳  
數枝艷拂文君酒

半里紅歌宋玉墻盡日無人疑  
怨望有時經雨乍淒涼  
舊山山下還如此迴首東風一斷腸

杏花

古苑杏花

張籍

廢苑杏花在行人愁過

一作到

時獨開新塹底半露舊燒

枝晚色連荒轍低陰覆折碑濛濛

某作荒苑

古陵路

某作下

春

盡又誰知

杏園花下贈劉郎中

白居易

怪君把酒偏惆悵，曾是貞元花下人。  
自別花來多少事，東風二十四迴春。

酬白樂天杏花園

劉禹錫

二十餘年作逐臣，歸來還見曲江春。  
遊人莫笑白頭醉，老醉花間能一作幾人。

同前

元稹

劉郎不用問惆悵，且作花間共醉人。  
莫得貞元舊朝士，幾員同見太和春。

右三篇又見第二百四十五卷前已削去而存于此

同白侍郎杏園贈劉郎中 張籍

一去瀟湘頭已

集作欲

白今朝始見杏園

雜詠作苑

春從來遷

客應無數重到花前有幾人

杏園

溫庭筠

紅花初綻雪花繁重疊高低滿小園正見盛時猶悵望  
豈堪開處已續翻情為世累詩千首醉是吾鄉酒一樽

杳杳艷歌春日午出牆何處隔朱門

同前

李商隱

上國昔相值亭亭如欲言異鄉今暫賞脉脉豈無恩拔

少風多力墻高月有痕為含無限思其作意遂到不勝繁

仙子玉京路主其作佳人金谷園幾時醉碧落誰伴過黃

昏鏡拂鉛華膩鑪藏桂燼溫終應催竹葉先擬詠桃根

莫學啼成血從教夢寄魂吳王採香逕失路入煙村

同前

鄭谷

不學梅欺

一作歌

雪輕紅照碧池小桃新謝後雙燕恰

集作

却

來時香屬登龍客

其作室

煙籠宿蝶枝臨軒須貌

音貌取

風雨易離披

紫薇

郡齋有紫薇雙本自朱明接于徂暑其花芳馥

數旬猶茂庭宇之內迥無其倫予嘉其美而能

久因詩紀述

楊於陵

晏朝受明命維夏走天衢逮茲三伏侯息駕萬里途省

躬既跼蹐結思多煩紆簿領幸無事宴休誰與娛內齋  
有嘉樹雙植分庭隅綠葉下成幄紫花紛若鋪擣霞晚  
舒艷凝露朝垂珠炎冷晝方鑠幽姿閒且都天桃固難  
匹芍藥寧為徒懿此時節久詎同光景驅陶甄試一致  
品彙乃散殊濯質非受彩無心那奪朱粵予負羈繫留  
賞益踟躕通夕靡云倦西南山月孤

奉和侍郎二丈

四字某作抑  
州楊侍郎

翫郡齋紫薇花十

四韵

前人



幾年丹霄上出入金華省暫別萬年枝看花桂陽嶺南  
方足竒樹公府成佳境綠陰交廣除明艷透蕭屏雨餘  
人吏散燕語簾櫳靜懿此含晚芳脩然忘簿領紫茸垂  
組綬金縷攢鋒穎露溥暗傳香風輕徐就影苒弱多意  
思從容占時一作光景得地在侯家移根近仙井開樽好  
凝睇倚瑟仍回顛遊蜂駐綵冠舞鶴迷煙頂興生紅藥  
後愛與甘棠並不學夭桃姿浮勞在俄頃

臨發崇讓宅紫薇

李商隱

一樹濃姿獨看來，秋庭暮雨類輕埃。不先搖落應有待，  
已欲別離休更開。桃綬含情依露井，柳綿相憶隔重臺。  
天涯地角同榮謝，豈要移根上苑栽。

文苑英華卷三百二十一